

Өрәл джилә зурагъан давулдж күцәв

Элст балгъсна «1-е Мая» артель эн джилин түрүн өрәлин производственн зурагъан 109 процент күцәв. Эн артель хувц-хунр уйдг 4 цехтә, гос. башмг уйдг болн хатхдг 3 цехтә, колбасн, тос шахдг болн нань чигн кесг цехтә.

Цуг цехс эн джилин түрүн өрәлд 1 сай 50 минъгън арслнъга хувц-хунр, гос болн башмг уйдж, хатхдж, нань чигн әмтнд кергтә хамг гаргъх зурата бәәсн болхла, терүгән давулдж күцәгъад, әмтнд кергтә 1 сай 145 минъгън арслнъга хувцд уйдж гаргъв.

Хувц уйдг 1-ч номертә цех (залгчнь үр К. Е. Блошенко) эн джилин түрүн өрәлд 139.000 арслнъга хувц-хунр уйх зурата бәәсн, өдгә цагт 157.600 арслнъга хувц уйдж гаргъв,

эс гидж зурагъан 113 процент күцәв.

Хувц уйлгъна мастер үр А. М. Ракович производственн даалгъвран 201 процент, хувц уйлгъна мастер үр Гаркушина Валентина өрәл джилә зурагъан 195 процент, гос болн башмг уйлгъна, хатхлгъна мастер үр Чурюмов өрәл джилә производственн зурагъан 136 процент күцәцхәв.

Эн артелин производствин түрүн нүүрт йовад авсн даалгъвран давулн күцәдж йовсн 12 мастермүд артелин Күндлгънә доскд орсн бәәнә. Ода артелин көдләчнр соцдөрлдә делгрүлдж, эн джилин зурагъан давулн күцәхин төлә шунджацхана.

А. МАТВЕЕВ.